

# Club Patrulla Fluvial

## 1. Presentación do club

O club **Patrulla fluvial** nace porque un grupo de alumnado de 3º de ESO temos unha grande preocupación pola saúde dos ríos da nosa contorna.

Cansos e cansas de ver lixo, contaminación e espazos naturais abandonados, decidimos poñernos mans á obra e crear un club no que poidamos facer algo útil polo noso medio ambiente. Queremos investigar e actuar para mellorar o ecosistema fluvial que forma parte da nosa vida cotiá, xa que é moi importante na nosa bisbarra.

Non queremos facelo sós. Pensamos que coa forza dun grupo máis grande podemos conseguir cambios máis importantes. Se ti tamén sentes que é o momento de deixar de mirar para outro lado e empezar a coidar o que é de toda a sociedade, este club é para ti. Só tes que ter ganas de axudar, non fai falta ser unha persoa experta.

Únete a nós e participa nun proxecto que importa de verdade. En grupo podemos recuperar espazos naturais, concienciar á comunidade e demostrar que a mocidade ten moito que dicir cando se trata de protexer o planeta. O río está aí, agardando por nós... ¿sumámoste?



Asinado: a directiva do club

En IES Estudando Moito, a 30 de setembro de 2025

## 2. Valores do club

Os valores de **Patrulla fluvial** son a nosa identidade e a base das nosas accións que nos axudan a traballar en conxunto de forma comprometida co medio ambiente.

- **Respecto polo medio ambiente.**

Actuar conscientemente para reducir a contaminación, promover a reciclaxe e xerar prácticas sostibiles.

- **Responsabilidade individual e colectiva**

Asumir a responsabilidade individual e colectiva cumprindo cada persoa co seu deber e traballar en conxunto para limpar os ríos e reducir a contaminación.

- **Colaboración e traballo en equipo**

Sumar a colaboración de todos e todas para acadar un obxectivo común.

- **Inclusión**

Crear un espazo aberto para todas as persoas, sen importar idade, xénero, orixe ou capacidade física.

- **Seguridade**

Garantir que todas as actividades se leven a cabo con medidas que protexan a integridade física das persoas voluntarias.

## 3. Regras do club

1. **Participar activamente** nas actividades programadas.
2. **Respectar o material** e cumprir as normas de seguridade.
3. Manter unha **actitude colaborativa**.
4. **Seguir as instrucións** do equipo coordinador.
5. Coidar e **protexer a contorna natural** en todo momento.
6. Contar coa **autorización asinada polas persoas titoras legais**.
7. Respectar e tratar por **igual a todas as persoas membros do grupo**.
8. **Empregar un EPI adecuado** para as actividades que se realicen.
9. **Non publicar imaxes de menores** sen autorización expresa.
10. Comunicar ao equipo coordinador o **achado de residuos perigosos**.

## 4. Proposta de actividades

- 1 **Limpezas:**

- 1.1 Saídas ao río.

- 1.2 Recollida de residuos.

- 2 **Formacións:** sesións de aprendizaxe sobre:
  - 2.1 Ecosistemas.
  - 2.2 Seguridade.
  - 2.3 A contorna.
- 3 **Taller de reciclaxe:**
  - 3.1 Clasificación dos distintos tipos de residuos para poder facer reciclaxe diferenciada.
  - 3.2 Pesado dos residuos para a elaboración de estatísticas.
- 4 **Obradoiros sobre biodiversidade.**
- 5 **Campañas de sensibilización no centro:**
  - 5.1 Exposicións de mostras dos residuos atopados.
  - 5.2 Fotografías.
  - 5.3 Vídeos.
- 6 **Rexistro e análise de datos sobre o estado do río.**